



Yn y siopau

Beirdd Bro Eisteddfod Ynys Môn yw'r bedwaredd yn y gyfres sy'n cyflwyno beirdd bro'r Eisteddfod Genedlaethol. Ceir cyfraniadau gan 17 o feirdd cyfoes Ynys Môn, gyda nifer ohonynt yn cyfrannu'n rheolaidd ar raglen Talwrn y Beirdd ar BBC Radio Cymru. Mae amrywiaeth o gerddi caeth a rhydd rhwng y cloriau, gan feirdd o sawl cenhedlaeth, gyda rhai cerddi personol, ac eraill yn gerddi cyfarch. Mae'r gyfrol yn gasgliad o gerddi sy'n myfyrio ar Ynys Môn ddoe a heddiw.

Yn ôl yr arfer cyflwynir ysgrif ragarweiniol ar draddodiad barddol y dalgylch, ac ar gyfer y gyfrol hon, caiff ei darparu gan Llion Pryderi Roberts. O Frynsiencyn y daw Llion Pryderi yn wreiddiol, ond mae bellach wedi ymgartrefu yn y de ddwyrain ac yn ddarlithydd yn Ysgol y Gymraeg, Prifysgol Caerdydd. Mae'n aelod o dîm talwrn Aberhafren.

Mae'r golygydd Cen Williams hefyd yn un o feirdd y gyfrol. Yn enedigol o Ynys Môn, mae Cen wedi gwneud cyfraniad amhrisiadwy i ddiwylliant yr ynys ers blynyddoedd lawer. Mae'n adnabyddus fel bardd a beirniad. Cipiodd Goron yr Eisteddfod Genedlaethol yn 1997, a chyrrhaeddodd ei gyfrol ddiweddaraf o farddoniaeth (*Eiliadau Tragwyddol*, Gwasg y Bwthyn) restr fer categori Barddoniaeth Llyfr y Flwyddyn y llynedd. Mae'n un o gyfranwyr brwd tîm Talwrn Bro Alaw, gyda llawer o'i waith wedi ei ysbrydoli gan fywyd ar yr ynys.

Cynhelir [Iansiad Beirdd Bro Eisteddfod Ynys Môn yn Neuadd y Dref Llangefni](#), nos Wener y 19eg o Fai am 7.30 yh.

£7.95

Beirdd Bro Eisteddfod Ynys Môn (gol. Cen Williams)

Mercher, 12 Ebrill 2017 21:29
